

書

休復居文集卷五

寶山毛嶽生生甫

墓誌銘

通奉大夫四川布政使婁縣姚公神道碑銘

并序

通奉大夫姚公既卒逾年葬某所嶽生謹敘世次里居
官封功烈始終大略於碑而繫以銘公諱令儀字心嘉
又字一如其先出於吳與姚察歷唐宋有顯者後遷松
江婁縣遂家焉曾祖天麟祖士英考宗侃皆用公貴贈
通奉大夫四川布政使妣瞿氏晉贈夫人公性寬簡仁
恕然亦嚴重任事人無犯者乾隆四十三年以選拔貢

生知雲南祿豐縣權尋甸二州後從總督文襄公福
康安治軍四川通判嘉定知犍爲縣濬治水患力濟民
病瘞雅河決溺者而金川用兵士卒死棄山谷後又葬
萬餘計丁母憂去官福公征寇臺灣檄爲從事功成將
奏爲廈門同知固辭止明年服闋起知四川仁壽縣
遷石砮同知五十六年廓爾喀侵奪衛藏將軍鄂輝往
征命公從西藏山嶺險峻運者多出峭壁冰雪中又苦
疾風不進公命日中始行身陳兵斷後道出濟隴西達
拉集木集終其事無墮與亡者當是時鄂公坐行留被
劾公與有罪鄂公之以公功 聞也人多懼公任事彌

力

上察所爲乃

賜花翎久之知雅州府權

永寧道後知成都府苗民叛福公又檄公入湖南軍嘉
慶元年達州白蓮教反威勤伯勒保視事公佐大軍多
有功時釋無罪經畧某意常不直勒公公上書力諫經
畧悟後賊亦平然西蜀十餘歲重兵三四出秦楚間亂
民又就食於蜀倉廩旣匱無可給於是遷徙流亡官不
能禁公知鹽茶道時權稅廉肅歲常贍民後累遷至四
川按察使布政使修葺城郭薄省賦役嚴峻刑罰禁盜
賊威惠日信兩川日有歸者 天子望治而公卒亡
矣初公佐鄂公西藏福公軍青海書招弗從遂隱劾公

及征湖南輿人辱武職某公又杖之死福公怒然不能
屈因抑公勞不進公在成都正直任職人多望公大用
矣然卒止是公在蜀久屬吏由拔擢顯者甚眾失職者
因益怨公逮卒謗語遂興賴 天子明聖察其誣置
弗治後公弟令俞選授浙江寧波府知府引 見時
上知爲公弟因 問公治蜀事悼歎公才於是浮言
始息公重孝友篤交誼弟錫齡嗣爲叔後分子田畝無
輕重林某卒旣爲治喪又教幼子學其餘賴成立者亦
眾夫人許氏有賢德生子二椿國學生樾縣學生孫三
炳烝烺皆幼公卒於成都年五十六嗚呼公祖考潛德

茂行闕抑而昌而公又不功嘉績懋昭前人於誼宜示
表後世銘曰

桓桓姚公勦力明主出其少學化民遵俎多壘公辱爰
勤鼙鼓西戎業業流寇剽劫戈鋌橐鞬血殷鞞鞞大將
威嚴卿相體絕誅厥嬖倖制度以立厥後戰征六軍修
業凱歌大酺 郊廟饗祫入覲 天子曰

先帝臣勤勞王家汝希古人受 命戰兢明察罔

罔民畏狴狴乃教以道離散還集險狹坦夷授衣賑粟
歲蔑凶饑公疾民憂公卒民悲旌翩歸祖穹谷兒啼公
澤五世公祭三時嗚呼我公爲君子師

奉直大夫江西義寧州知州陸君墓誌銘

并序

君諱模孫字亦範又字遠亭姓陸氏其先爲浙江會稽人元末遷太倉雍正二年改太倉爲直隸州別立鎮洋縣遂爲縣人君少才儁年二十一補縣學生明年舉於鄉乾隆五十二年成進士嘉慶元年謁選得江西會昌縣知縣久之攝新建縣逾年以前治會昌有績擢知義寧州尋丁母夫人憂終喪待缺江西凡攝萬載龍泉南豐三縣十五年冬復補義寧州至州二日疾作越五日遂七年五十一君爲人坦白精敏治家嚴肅至其爲令雖處繁劇張設條教初若無意旣去職不滲漏凡治悉

被惠利始知義寧有大姓兄弟屢訟爭田弗決君召與語吾不幸有兄前喪吾恒惻怛汝奈何爭此因感泣大姓媿悔退讓自責旣歿農某方耕遽棄耩耜走五十里來哭曰吾初無賴官咎我我易行官亡吾其終愧死而州人久益追慕君德言君爲神戒立廟祀署曰陸公祠云前君成進士歸久居尙書畢公沅幕府公屢道君有吏才後官江西新建讞獄勤辦按察使阿林保嘗中夜微服詣縣署去明日誠同官曰爲令當如陸某誠竭君材智久必大有名烈尋壹遷職繼殞悲夫曾祖敦仁國子監生祖宏緒福建羅源縣知縣考元邁舉人妣毛氏

生子二君其次也妻楊氏先卒繼娶吳氏子三敬書賜書瑯書女子三皆嫁名族自賜書下皆吳氏出君生十四而孤與兄榕孫事母孝謹學問勞苦兄亡凡孤男女誨導尤篤君歿數年余游南昌交君從子麟書信文學端亮人也逾月交敬書廉謹和遜能爲詩弗墜傳緒乃益歎君爲賢所著書有晉書地理考若干卷誦芬堂詩文集若干卷皆未刊道光二年二月六日敬書歸葬君於太倉鎮洋縣西一圖三都化字圩而以楊宜人耐蓋去君喪久矣先事泣而請曰願有述以銘銘曰峻清才柔仁質誠格人政不室不肖咎隕悲噎羣廟亨

嗣飢乏廓其原窳其穴歲一終卜歸吉銘止斯石不奪
仁和孫君繼室陳孺人墓誌銘

孺人陳氏諱瑛字某嘉興海鹽人通奉大夫雲南布政使諱銛之孫兩淮鹽知事名孝腆之女嘉慶十九年嫁仁和國子監生孫君元培爲繼室奉直大夫雲南石屏州知州諱儀長子也道光元年四月乙酉以病卒於臨平里第春秋四十一孺人幼長尊顯茂族迺性儉約謙讓凡處姻族疏近始笄及嫁容質不愆姑曰沈太宜人素患足疾逾三十年大夫之喪哀痛加劇孺人早作扶抱抑搔藥膳謹敬視安寢已始適婦舍終孺人生太夫

人至忘滯疾生一子三歲殤撫前馮孺人所生子長馥
惠愛教督勤倍己出病且亟給君姑曰少間而強起趣
爲長馥婚曰庶幾畢吾志其治家不奢侈而當不峻刻
而肅旣歿娣姒婢妾哭皆失聲比葬泣思皆曰賢孫君
余友也貧窶歲數出游雖屢阨困清介端慎而終不以
家爲累或孺人實有力也某年月日卜葬於先塋之側
若干步而以書來乞銘銘曰

柔嘉順則女子是宗吁嗟淑媛思俶由終不矜與媚不
佻而恭旣慈且孝迺瘁厥躬永斯懿德匪文詞工窆石
是刊慰生者慟

公三 三等侍衛兼公中佐領故武顯將軍甘肅涼州鎮
總兵官漢軍蔣公神道碑銘

公諱倭星額字厚畚姓蔣氏漢軍正黃旗人蔣氏故江
東望族明初遷山東歷城後復遷遼東廣寧天聰五年
公五世祖成良從破大凌河得備禦世職後累加至一
等輕車都尉資仕維纘裔以益顯生公高祖國柱官戶
工兩部侍郎出爲巡撫曾祖熹賢祖開基皆不仕考廷
佐用宗法得襲騎都尉加一雲騎尉後公貴 贈

如公官妣花氏 贈一品夫人公少以世職補三
等侍衛後四歲遷二等兼公中佐領乾隆四十八年出

爲雲南景蒙營游擊以勤辦遷沅江營參將久之量移武定沅南處雲南極邊氓夷錯居漁奪易倚公撫之率嚴肅有恩所在訓練卒伍尤有法嘉慶二年公請隸大軍誅討白蓮教數轉戰有功時賊首王三槐尤勇獷豕突公嘗追及於安樂坪嶺峻險道陜僅一人行公驟登中石顛墜澗中馬斃身被創賊數百乘之旣力超距出創少平復與數戰卒合攻擒之事聞

賜花翎時

賊多奔竄山谷公從大軍屢擊破用是勞卽軍中除陝西西安府軍標副將賊旣畏公公益窮追殲滅大羣始公至蜀大帥令率黔兵分道攻賊旣克軍還賊有新起

者亦立摧殺至盡賊平三歲由副將擢甘肅涼州鎮總兵官未幾罷去故事貸軍府官錢者職不得踰七品公素貧喜施與用輒匱會入朝復缺乃請將軍少假而隨以祿償及擢總兵官去請至具輸繼者故嫉公將軍又行遽白攝者疏劾竟以是失職先是公在軍中三年大小百餘戰又數與擒賊首大臣多表言其勞而兵部定公功亦次加三等歲餘

仁廟念公績復補四等

侍衛出爲庫爾喀拉烏蘇領隊大臣明年遷三等調英吉沙爾領隊大臣公性明毅有謀畧旣數外任久居兵間益曉利害先事可決以爲會夷剽輕易怨使者當益

務廉靖簡惠使懍威德凡鞠疑獄尤慎密不可撓久之
召還以前官在大門行走兼佐領如前後創發
乞去官用前功

詔解侍衛特畱佐領至終然公

歿甫四歲而張格爾果叛公初名倭盛額

賜易

今名以道光二年六月二十六日卒官春秋六十有四
七月五日葬於德勝門外清河潘家莊南合祔夫人金
氏瑩夫人明淑能勤先公數月亡子四德某早卒德升
襲騎都尉官佐領德宣舉人江蘇江陰縣知縣德福選
會典館謄錄孫七人公未生三月而孤不踰歲母夫人
喪幼育姑氏克自飭勵聿章功緒德宣又有文學治行

嘗請表公墓乃爲刻銘於碑詞曰

維昔績烈多出世胄揭揭將軍發聞稚幼始自宿衛出
靖烽候疆執沈雄劫盜是輒殲魁殪醜用鎮涼州俄致
蹉跌伎刻增尤繼屯沙漠領護是屬爰利鈕銘爰勤游
牧挫彼姦萌峻我廉肅旣謀旣哲旣耀旣恢乃志病奪
如決與隴材非弗鉅時非弗逢勇儲智羨職命奚恫人
世利祿儵如漂風勲恪躬承爵系丕膺庶詞例適克偉
以銘

三等侍衛兼公中佐領故武顯將軍甘肅涼州鎮

總兵官蔣公夫人漢軍金氏墓誌銘

并序

夫人姓金氏諱某正黃旗漢軍世管佐領某公女贈武顯將軍世襲騎都尉加一雲騎尉蔣公諱廷佐家婦武顯將軍甘肅涼州鎮總兵官公中佐領諱俊星額夫人夫人端慤明智不踰軌則父母奇愛選婿名德年二十四歸於佐領公佐領公甫晬而孤育於祖姑柏太夫人夫人來歸祇事祖廟傷不逮事舅姑瞻拜涕泣因移其孝事柏太夫人敬順和肅朝夕兢兢言不違行族戚交美佐領公先以世職挑三等待衛補官 禁中及是少遷二等兼公中佐領又嘗扈 蹕木蘭夫人輒先事樽節賓祭僕賃猝勿資乏後出爲雲南景蒙營游擊旣而

以防禦功遷沅南營參將久之復量移武定夫人皆隨任所綜覈家政益嚴而有恩教誨諸子造次率有法度嘉慶元年白蓮教跳踉楚蜀佐領公欲請從征未決夫人從容諷曰君家世受 國恩當先戮力且固君志家室幼稚慎無念佐領公旣行在軍中八年大小凡三百三十七戰智勇勲績奇偉彰徹抑夫人勤敏不滋隱憂奪焉賊平以功兩遷至甘肅涼州鎮總兵未幾爲忌者中傷罷去貧甚夫人不一追憾尋擢四等待衛出爲庫爾喀拉烏蘇領隊大臣復遷三等調英吉沙爾辦事大臣居數年引疾歸仍任公中佐領夫人特喜之甚曰此

固吾志初蔣氏以佐命勛得世其家至佐領公幼孤困阨幾衰夫人歸處無戚容後以武功起家幾貴顯矣而復蹶蹶而復升儀不爲豐德不爲約匪矯與懲以訖衰至嗚呼此賢士大夫有愧者而夫人習若性生可謂賢已夫人以佐領公前官累封至二品夫人嘉慶二十五年十二月六日以疾終于京師春秋六十八某年月日祔葬於先塋某所生子四德某早卒德升襲騎都尉官公中佐領德宣舉人江蘇新陽縣知縣今攝南匯縣德福選會典館臚錄孫七人夫人第三子與嶽生善既熟聞壺懿又以其請乃序次以銘辭曰

女子之行靜淑柔懿是職華膺非禦困躓卓哉夫人高朗爲質貧窶不傷艱鉅弗怵鼎銘有燁由志之堅玉珮有緝由教之先繫曰女士亦云母師勤勿衰廢恪勿尊遺咸曰眉壽受祉其宜胡逝之疾報不副期旣殖其原有恤其藏我爲銘之德馨而光

人與江蘇江陰縣知縣漢軍蔣君墓誌銘

維道光十一年十月四日壬午知常州府江陰縣襄平蔣君卒官明年其孤符保將歸葬請刻詞余嘗表君考佐領公墓其先蔣氏自歷城遷遼東隸漢軍正黃旗有諱成良者從入關得世職以功累加至一等輕車都尉

厥後序素君祖諱廷佐始用宗法得襲騎都尉加一雲
騎尉君考諱倭星額由是職積績烈仕至總兵官妣金
氏封夫人始君考官雲南參將君年甫冠其旗牒歸京
師補飼鷹衣都大時君考從擊盜賊隸四川大軍太夫
人與君昆弟居雲南憂瘡屯歷出處交抗然益刻厲辭
去前役壹志慮於學中嘉慶十八年順天鄉試舉人後
充會典館臚錄官逾十年以是勞選江蘇新陽縣知縣
新陽地卑澇輒病稼爲修隄圍溢醜穰再吳越郡縣谿
谷大水多注太湖湖流入海舊惟三江東江久塞婁復
下壅吳淞沙渾洩暴不疾瀕海雨澤率患漂沒上官力

議濬鑿自冬徂春凡穿一萬八百九十八丈有奇君與
其事決壅勤辦工成改南滙讞疑獄有聲明年改江陰
邑頗澆劫人疾病死多不棺斂妄訴其嫌或其鄰保云
致於死乃益連逮吏緣恐喝冀衆得賄君輒按驗直其
誣欺不一姑貸痛繩以理又手爲教告摧距曉惑曲譬
峻恍使有懲畏用是少息居官二歲瘵作於秋涉冬增
加遽殞悲夫年五十二君名德宣字子浚才智通美工
書翰喜博涉辯駁敏給爲文章惡繳繞尤善爲詩險鑿
雕績隱擯顯黜堅質奇雅豐殺罔越學者競習華侈不
知貴焉性疏朗通佛老榮辱得喪略不撓意仕雖未顯

任重輒思佚處巖谷少時數游西山故晚以西礪易其
字云娶王氏生符保繼黃氏繼拉那氏生醇保側室汶
氏生常保符保候選運守備醇保常保皆幼女三長嫁
貴多次未字君少貧約旣仕猶困故久而始得歸其喪
逾年某月日始克葬於某屯某原君與余善又最知余
文道遠迺豫爲銘俟窆而置焉銘曰
材識瑰異學崔理澤豈天所傾抑弗善承歟伐其性或
命非羸文詞閎傑規景耀微聞者惟形郊原有穴歸其
無悶系以休銘

姚先生墓誌銘

先生桐城姚氏諱蘊字姬傳又字惜抱元末遷自餘姚
始仕顯者曰明右參政公旭伉直敢言嘗上書訟于忠
肅公寃數傳爲國初刑部尙書端恪公文然數論事
利害盡蠲煩苛表定律令是爲先生高祖曾祖士基湖
北羅田縣知縣有惠政卒官民立祠祀祖孔鏌贈編修
晉朝議大夫考淑贈禮部員外郎皆砥節貞確妣陳氏
封恭人先生德器簡亮勤學閎遠甫冠材行已焯乾隆
十五年舉于鄉久之成進士選庶吉士散館改主事分
兵部尋補禮部儀制司再遷至刑部廣東司郎中先後
充山東湖南副考官又一充會試同考官旣乞歸用重

赴鹿鳴宴加四品銜先生官刑部平反重辟爲考官名
得氣節通經士 四庫館啟諸城劉文正公大興朱
學士筠薦以所守官充纂修時太夫人年益高先生亟
歸養而于文襄敏中當國欲先生一出其門不可遽引
疾去書成多改遷官者先生先已舉御史中選大臣亦
屬所親諷之出卒辭謝以學教授東南逾四十年嘉慶
二十年九月十三日卒於江寧鍾山書院春秋八十五
越四年十一月某日葬桐城南鄉大楊樹灣鐵門先生
之學不務表襮根極性命窮于道奧昔儒碩究明德業
未流舛歧迺益煩妄闇鄙學者厭薄闕隙掎擊援據浩

博日譁衆追詬先生怒然引爲己憂綜貫奧蹟隱摧角
距體履誠篤守危導微爲文章淡醇精潔達於古今通
變用舍務黜險詖釶亂正人心學術先生旣歿其道益
昌幾遏絕寢盛功孰與竝然當論述蠡起自天文輿地
書數訓詁雜家博鉅毛髮罔弗窮殫智奪義屈匪惑而
尊而獨不誑不撓行軌言闕抑亦偉已性仁愛雖貧乏
樂贍姻族邑兩大禋旣書列荒政緩急又出貲以倡賓
接後進色怡氣凝教弟子必先行 誼故士出輒端慤
有文所著經說詩文三傳補注老莊章義古文詞類纂
書錄題跋雜記詩鈔共一百五十二卷俱刊再娶皆張

氏側室梁氏子女六人長景衡舉人江蘇泰興縣知縣次師古執雉監生執雉後從兄女適望族孫三誦寶同潢曾孫聲前夫人生一女側室生執雉後夫人不合祔別葬長嶺先塋先生世父編修君範問學沈淹善攻覈傳記爲世經師又多聞師友賢者說文章要指先生幼習其傳用日恢燿先生從孫瑩編修君曾孫也才智瓌異克纂序官江東與嶽生善嶽生又學于先生麤識儀則始葬僅志歲月瑩曰是不可無文詞乃追刻銘藏于廟辭曰

維德有勇孔聖所臧旣紹而開形閔奚亡匪虛是擴匪蹟是崇性爲之防學爲之墉爰蒞爰濬勿坎勿陂已窆鑽石式麗牲詞

贈奉直大夫福建臺灣縣知縣姚君墓志銘

君諱斟元字儀匡又字春樹桐城姚氏乾隆間編修君諱範與從子刑部郎中君諱鼐皆以經術文章學行閎粹爲世儒碩君編修君第五子郎中君弟也嶽生嘗志郎中君墓自君大父以上官世名績詳焉君性孝友廉直彊志其治身自起居衣服壹意恭肅門以內雖童稚皆謹聲息而事尊長與待交友又極和遜其治經務先綜括傳記詁訓名物制度而疑遜雜博必折衷宋賢達

其理道爲文章率導源於漢通軌唐宋論議雅贍不踰法則然行茂而弗章業紹而弗仕名屈于材年五十七卒於增生吁可慨已始編修君問學淹沈穿井奧蹟凡有所考覈解駁都不纂述輒注於簡或寫別紙附之蓄書十數萬卷條列幾徧後頗遺佚君勤搜緝又錄所作詩文都若干卷君孫瑩乃克次序成書模準羣哲副君志焉君家世顯達然率貧約至君尤困諸兄輒稱貸以給君繼娶灑山徐氏有裝送君悉出以償負仍不足乃遂客游至歿嗚呼富貴壽攷古不盡以畀賢者人士恢其器識學藝誠不以時命通塞豪髮增損焉矧君子之

篤於道哉君淳重儒者其訖無怨恨決矣然天必報以賢子孫丕耀前列而慰其述歷不遇其羸絀何如也前夫人張氏無子後夫人生二子一女子曰騃曰僕僕爲兄後女曰某孫四朔鑾瑩四和鑾四和殤朔監生瑩進士今江蘇金壇縣知縣攝武進元和其追贈君奉直大夫福建臺灣縣知縣乃其前除官焉曾孫四某某君歿於乾隆五十九年七月朔日葬於道光十三年某月日桐城某鄉某原夫人皆祔女某字張法前夫人從子也未嫁法死隱矢死以守後聞他族來問名遽病遂卒君憫其志日後必葬張夫人兆明其志在張也今去墓若

千步者某姑塋也銘曰
行植于義志繩于禮以介以冲坦坦素履維昔名德歷
世彰美忠亮惠貞外內濟濟吁嗟閔達宜多受祉胡蔚
國器而與命掎旣修旣闢旣纘旣啟弗羸於室迺崇其
阼慎卜其藏逾世十祀旣坎以恤用慶孫子

通奉大夫四川承宣布政使司布政使姚公夫人
許氏墓誌銘

道光十六年九月朔日嶽生酷遭太宜人喪時子壽亦
甫祥祭越月使來弔曰自今椿與子皆爲無母人矣悲
哉其言極痛心也旣卒哭將營葬思所以不死吾母者

走乞銘子壽子壽亦屬以先夫人耐誌嗚呼人子孰不
欲尊顯孝養其親嶽生生踰期而孤太宜人從危險單
廢中教育以長旣長弗材堙塞昏滯無養無聞以至大
故子壽雖不得志于時然夫人儷德大夫徽媿丕耀高
朗洎耄子姓亮哲其爲幸不幸何如也大夫與先大父
簡州公爲執友而嶽生又辱知于子壽昆弟葬期迫誼
可辭哉迺爲刻詞于石曰夫人松江府婁縣許氏考曰
熙載縣學廩膳生篤學高節爲時儒者夫人年若干歸
通奉大夫四川承宣布政使司布政使姚公令儀大夫
少以拔貢生出爲雲南知縣畱夫人侍養舅姑舅歿喪

斂盡禮大夫後官四川奉君姑就養孝敬益備姑疾篤
曰吾無以報吾婦異日吾婦有婦如是足矣大夫服闕
從軍臺灣畱其孥居成都夫人明肅祇慎瘁力經紀欣
戚動靜輒中理勢及大夫還官成都累遷至鹽茶道時
白蓮教益肆擾大夫日治軍幕府或勸夫人避兵南歸
夫人曰吾大臣婦不可輕動搖用滋民懼大夫仕益貴
顯夫人處之無驕容旣歿而歸夫人所以內修祠祭外
仁姻族勤篤弗渝誼豐于儉道光三年江東大水在所
漂沒夫人亟命子賣田助賑曰庶無傷爾父志始先大
父殉節簡州喪不能還嶽生以童子謁大夫于官舍大

夫持之泣命入見夫人夫人哀其幼食以養餌逮長教
夫人二孫于家自衣服飲食率先省視曰吾家敬師恒
然是通家子又孤兒也嶽生後去而遠遊歸必見夫人
于里第夫人必詢大母母氏起居食噉昕晏多少無疾
苦否輒愀然曰吾終思一見也嗚呼夫人慈仁惠和用
心誠至懿德已粹矧明大體而壹出理道哉子二椿國
子監生樾河南廬氏縣知縣女一嫁山東登萊青道錢
塘吳振棫孫四炳炳烜烜炳烜椿之子嶽生弟子也炳
敏而天女七曾孫三啟符雒女二夫人歿于十五年九
月三日春秋八十有二以俟樾歸禫而合祔爲十七年

十月望日其域則昔桐城姚先生姬傳嘗誌大夫墓而
獄生又表神道所謂奈山之麓是已銘曰
維孝生敬維慈生仁勤無弗治惠無弗均幾瘁其躬憂
弗顯遺幾毀其家志弗幽岐績輔名臣行恢賢士其坎
其崇克孚克止

奉直大夫前山東膠州知州藍君墓志銘
君藍氏諱嘉言字又詹浙江定海縣人先世自福建汀
州府遷廣東大埔十餘傳有諱明者與族父義山從靖
海將軍施琅平臺灣有績義山遷定海鎮總兵官同之
官遂著籍焉明生中憲大夫啟桂是爲君考妣武氏封

恭人生四子君次三性開敏剛斷少讀書能文以監生
五應順天鄉試皆絀時君兄湖南沅州府知府嘉瓚順
天府北路同知嘉瑄胥仕乃入貲爲府經歷分發山東
凡攝按察使東昌青州府經歷蘭山陽穀沂水縣縣丞
以待缺者衆降補東平州彭家集巡檢遭憂去服闋補
武城縣縣丞遷單縣知縣擢膠州知州護理登州府知
府權東昌府同知未幾以前知單縣吏事被議罷單俗
獷悍民多佩刀一不合卽格鬥甚者羣聚剽劫君悉繩
治林清爲逆其黨陳伯約者縣人定期起事君自河工
歸列炬集吏胥坐堂皇治事偵者疑有備遂夜陷曹縣

邑大震恐君閱營兵僅三十餘人城先爲河衝多圯用
亟晝夜繕築益募人助兵守禦又先後捕其黨百餘人
鞠囚之民少定一夕五更城外聲大譁火作數百人率
持兵趨至君戒民毋動親勒兵城上守之先是單縣有
僧居城外其弟在賊中爲兩江總督所獲遣兵捕餘黨
君問知乃令典史曉諭民自縋出捕與之而多釋其無
辜者時賊起倉卒蹂躪數縣日擾攘廢耕作君復出糶
倉穀與民勸邑士聚貲爲粥以蘇鄉堡貧餓事平幾三
月餘而單獨完如故君用心旣周慎折獄尤矜察登州
府黃縣有僕戕其主情狀詭譎又他邑有某生爲飛書

誣數富家爲叛皆久不決君略鉤距具服始君考嘗官
膠州君長兄又守登州多惠政及君至復著名迹君素工
箋奏爲公卿所引重當官勤辦行益丕耀乃以微過失
職會君亦厭吏事遂不復出論者惜焉道光十七年正
月五日病卒年七十九明年十月十六日葬上元縣慈
仁鄉後星塘妻張氏封宜人繼卒耐側室王氏生一子
蔚雯江蘇候補知縣凡攝丹陽新陽吳縣常熟四邑守
君教有治行女三長嫁清軍摠捕同知王夢齡次嫁沛
縣知縣金咸次嫁監生俞肇元惟長女張宜人出孫五
祖庚祖坤沂華祖蔭祖硯女二曾孫二君通音律喜爲

詩有東嘯吳吟等集數百餘首藏於家銘曰
行剛而通智周以決詐窮無欺變乘不奪威以立體惠
以爲節匪嗇匪豐孰晦孰哲我銘其藏孔子以揭

朝議大夫河南許州直隸州知州加知府銜何君

夫人錢氏墓誌銘

夫人諱某山陰錢氏監生諱毓珣之女同縣朝議大夫
河南許州直隸州知州加知府銜何君諱光熊之配今
江蘇松江府川沙撫民廳同知士祁母也夫人年十八
歸朝議時君姑前卒遺叔與姑四皆幼朝議大父春秋
又高家故貧乏夫人日侍舅與繼姑上事尊親下撫稚

昧饒爨紡織澣濯補紉勤敏勞悴豐約皆中舅姑怡然
稱爲賢孝後朝議由縣丞遷知縣仕至知州署開封府
夫人奉繼姑就養雖履顯榮儉素不易繼姑之喪暨朝
議歿時殯葬巨細哀與禮至士祁旣孤教督尤備及士
祁成進士官知縣同知夫人復勤戒盡職始攝婁縣直
大水爲災夫人悉出簪珥易錢助賑時災甚聞民有食
棉花子者怒責士祁曰汝爲民牧柰何使民至是後官
元和夫人以職繁易忽而獄訟爲民命所關官牘有名
無論有罪無罪率全家廢業督士祁剖決尤亟士祁材
旣精敏又迫訓告先後六年凡決滯獄三千八百餘事

川沙濱海斥鹵又嘉慶十五年始分上海南匯地屬之
屋宇飲食皆庠狹簡陋士祁甚憂孝養多闕夫人曰此
吾貧時素習無慮惟隸立未久所以與士習厚風俗利
農田備灾荒者當次第爲之士祁於是建書院節孝祠
積穀倉掩埋局濬白蓮涇趙家溝等夫人喜甚曰是固
敬事抑爲不隳父志夫人性明察急大體而遇事極和
慎有禮法御下寬調姻族加厚平居不奉佛亦不闢歿
前一夕爲朝議大父亡日猶三戒祭祀夫人之歿爲道
光十八年七月二十一日春秋七十有九當朝議官時
封恭人土祁時晉封太恭人子二長殤次士祁女五長

嫁蔣紀次嫁湯豫餘殤孫一女孫三年月日士祁將歸
合葬於朝議馬面山原墓域先期請銘嗚呼夫人爲子
婦知孝相夫子敬以儉教子慈而肅亮而能仁懿行多
可紀其又奚辭乃序而銘曰
柔嘉惠恪女子是式珩璜無忝代傳婦德維貞於性迺
克有成維持於禮迺克有恒吁嗟夫人終始懿志儉弗
豐渝敬弗髦替贊夫有祚藹鬱於邦我銘女士子孫其
逢以愈其孝
率率黃損之墓志銘
君嘉定黃氏諱鐘字在東又字損之其先遷自江東今

寶山地也明忠節公實世居此譜失闕其支系然數世率孝謹溫仁著聞郡邑曾祖日升祖國楷有文學嘗剖股以愈其考疾父通理端慤長者娶陸氏生三子君爲長弱冠補縣學生鄉試再細遂入貲爲貢生益肆力于學受業于少詹事錢先生凡天文輿地聲音訓詁之奧多求得統緒尤善攷辨古昔政治成敗得失及人情理勢所以緩急者家頗有產業君考樂爲善歲周人困急君亦務行不吝嘉定數饑屢出巨貲佐賑又上十議于縣務窮欺謾絕其根株增損便宜以殫惠利令采行之輒忘大禮道光十一年東南復大水在所流冗資遣多

絀邑民復屯聚時議假官儲義倉銀濟之弗決君請急行後與邑人輸其數官用其謀均以緩便邑故磽陁歲一不熟貧民生子多棄不育官嘗立居舍令富民出錢僱乳者收飼之費闕浸廢上官乃符下縣令任者免他繇久之役如故於是益罷不爲君獨審舉至十餘歲活嬰兒數百口費私錢亦數千餘緡其它宗姻故舊嫁娶喪葬及間里老疾嫠嫗衣食醫藥多賴以給君振施每避不居故可紀者止是性亮達儀觀音吐復閱敝賢者率推爲魁傑頗自弛喜豪飲瓌辨縱詼笑爲戲樂然遇事輒沈敏善斷畢出仁恕事親至孝逾壯尋遭重喪哭

泣哀慕如孩時比除服酒不入口雖童僕訖不聞懽笑
居恒尤儉素讀書不廢嗚呼君不得名位凡智畧設張
無他績烈章布而文行誠懿僅式鄉邑世或爲君惜君
亦間負其才能可任艱鉅以求官達伏處終其身無
毫髮晦塞感慨抑可謂焯然不欺己志者娶沈氏先卒
無子以母弟鉉之子汝成爲後汝成問學精博善著書
爲文由廩膳生入貲得安徽泗州訓導例當贈君如其
官孫三宗魯宗文宗英皆幼卒時年七十歲實十五年
四月二十七日也是年十月二十三日葬寶山宙號二
十七圖西秋圩先塋而以沈孺人祔前期請銘始君與

先子善而嶽生與君弟及汝成交尤厚君亦甚賢異將
歿且字而再問其歸蓋至是先友幾盡其何能銘而誼
可辭乃泣然刻其窆石曰

氣雄而不矜量恢而不溢維阨其幽弗耀以出善遇而
厖永藏以恤

黃潛夫墓誌銘

余友潛夫名汝成字庸玉世爲嘉定人黃忠節公族裔
也其暴疾亡余哭視其殮又爲文以祭後又序傳其遺
書潛夫爲人仁厚豪達狀貌瓌偉善辯說戲謔樂任人
艱鉅無親疎厚薄苟當其意告以緩急卒累出千金不

悔而內行則亟誠謹無過差平居衣服飲食率儉節其爲學自天文輿地厯律訓詁以及水利河渠漕運賦稅鹽鐵錢幣莫不洞其奧蹟參諸世會詳其所以利病得失而爲文則又明博簡慎知要嗚呼學問人材之衰其賢者務殫窮于名物度數弗尙氣節至于施設張弛激昂奮發以求利濟卒惟綜覈補苴而已其明道術之原知變通壹出閎廓動合體用者鮮矣余窮于世頗以冀望潛夫或顯達有所建白爲不負學識迺久困伏遽喪悲夫始余與潛夫尊親子仁善少時數往來其家潛夫時年十三四熟習文史已博辯古昔賢奸治亂後更濬

闢濶造余遠遊歸輒累月畱其家益相從講說德業間或賦詩飲酒登陟笑語爲樂余性隘文行豈無可議嘗面折其短而潛夫則自少至壯羣居獨處無片言不足余者聞余言善則幡然從意不合則必積日逾時論定乃止視余困亨如己憂憤悅豫無弗同又數濟余急而誠敬率有餘于財其家世居西谿上谿旁頗饒竹木嘗欲買田築室佚余老雖弗果意誼篤矣昔惠子死莊子曰自夫子之亡也吾無以爲質矣余自潛夫歿居恒偃偃出入語默若失其宗形然後知莊子之言爲悲夫莊子達于死生存亡實然于萬物之表而其言之悲猶若

此矧惠子雖賢未必過莊子而潛夫學行論著則實有助余者也潛夫箸書成者日知錄集釋刊誤古今歲朔實校補文錄凡四十四卷未成者春秋外傳正義若干卷少爲縣學廩膳生歲饑勸分議敘得通判銜後入貲爲縣學官選安徽泗州直隸州訓導以憂未赴娶秦氏生子三宗魯宗文宗英女二長字張修事潛夫歿于道光十七年二月十二日春秋三十九以二十年三月二十二日葬于寒號十二圖李圩初潛夫世父損之先生無子以潛夫爲後先生少與先府君同受業于錢少詹事將歿屬余志其窆余故弟畜潛夫而往爲之銘又潛

夫亡時武進李先生兆洛已爲之傳世系皆具迺略次其生平趣舍遊從長言志余慟焉詞曰
垓埏爲隘兮附嶼是崇博學無命兮淳仁以凶義爲其質兮德爲華奚不逮兮隕厥躬數逢其嗇兮匪其窮安其藏兮歲窈而隆

汪節母吳太孺人墓誌銘

吾友仁和汪君嗣綰君子人也性至孝持狀遠來請銘其先妣之墓辭之不獲謹按狀太孺人姓吳氏父諱位三母氏陳幼端懿不苟言笑乾隆壬寅歸汪君其五時舅姑在堂侍奉有禮其五公出爲世父鎮川後太孺人

事之誠敬交盡相夫持家畢出仁恕辛亥其五公嬰肺疾將殆太孺人焚香籲天願以身代卒不起未幾本生舅與嗣舅相繼歿擗踊哀號撫其子曰此藐孤何日能成立耶自茲未亡人責綦重矣本生姑陳姑張衰老多疾朝夕承順顏色婦兼子職里邵咸稱兄公早世遺子女悉撫育如己出同懷兄卒母已七十迎養於家勤教幼弟歷十四載之久嘉慶庚午爲子娶婦心稍稍慰而病已深矣辛未秋加劇神識不亂從容辭姑與母惟以不及終養爲恨泣然告逝春秋四十有九子一嗣綰孫二誠謙吁太孺人早主家政鉅艱獨任垂三十年何異

於古之賢婦而不克享上壽是可悲已甲戌大吏請於朝旌其閭道光壬辰閏月祔葬於黃犢山東麓先塋之旁其子猶時時繞塋而泣尤晚近所僅見也迺爲銘

曰人與夫八以余年二十無子且言其之悲

苦節之貞克有賢子眎彼韋孟穆行同紀藕洲石函是名孝水摛詞不誣傳諸千祀其心苦豈意哉哭其天耶
次兒和之壙志
余身之不修雖以定人貧女如和
和之余妾所生次子也和之甫生而余游閩越二年余歸時已能行立識人意旨越三年余以病家居教之讀書頃刻識百餘字不一月盈四千餘凡字疑似隱僻形

同音異者反覆指示雖故淆亂不誤讀爾雅可百餘行不移時而去明日背誦若習熟余屯蹶否塞久矣頗望其張大吾宗也其秋余游江寧八月歸和之已病痢死和之爲余子六年耳余見之不過數月家久貧衣服飲食皆惡敗余見其聰穎恒憐其少苦豈意遽哭其死耶始余妻所生長子三日而失和之同母兄復庸闇祖太夫人母夫人以余年三十無嫡子且喜和之慧皆寵異之比是皆哭之慟母夫人尤傷悼成疾余無以自解其悲焉某月日葬之于先塋而銘曰
山東黃氏
慧者天愚者生理固然余悲者父子情

僕黃厭墓磚誌

黃厭松江農家子性樸愿若孩稚然至慎若命曰汝守是物雖終日不敢尺寸徙尤不避勞苦與人言常歡欣無忤雖褊急者不能加色焉道光三年三月余游汀州攜之行詞色舉止畏葸鈍滯畧不測情僞舟人役夫恒侮易以爲笑然料簡什物謹伺朝夕雖勤辦者無以過其秋病傷寒狐惑瘕縱跳踉發狂然舌中潤兩感於寒者或更下之遂殆始厭八歲傷母其後母遇之虐飢寒弗與衣食復夜縛手足投之河鄰人救持之歸則命牧牛牛鬪角傷其腹幾死日吹毛索癢疵以蒺藜三本束

為杖扶之徧體皆流血少長遂逃出為人傭然積其資
不錙銖耗去歲必遺其父母余憫其危苦嘉其孝善遇
過他僕隸謂必不夭死乃至是可哀已厭死時年二十
三八月某日葬汀州某所銘曰
自吳入閩二千里病寒不汗七日死醫藥瘞埋義止斯
吁嗟骨肉其歸此



休復居文集卷五終

休復居文集卷六

寶山毛嶽生生甫

行狀 事畧 傳 祭文 哀詞 頌 贊 銘

奉直大夫四川簡州知州先大父毛公行狀

曾祖邦彥

祖軾 皇贈文林郎

考純 皇贈文林郎晉贈奉直大夫

妣管氏 皇贈宜人

公諱大瀛字又萇又字海客太倉寶山縣人先世歷宋
與前明有顯者譜失間逸名而代序亦自明季上推不

具故居嘉定東雍正二年分其地立寶山縣遂著籍焉
公少補縣學生以文學知名及游京師名日著乾隆間
朱學士筠 奏啟 四庫全書館會屢鄉試不錄後
以謄錄年滿議敘出爲陝西州同知未行丁 贈大夫
憂歸復起發陝西未至畢公沅由河南巡撫總督楚南
北道遇奇公才 表改與俱參治某郡河決功成權漢
陽通判尋以憂罷去服闋又用舉者改山東待缺濬蓄
旱澇閉縱運河俱當奸民段文經久刺殺大名道熊恩
紱逸俄訛亡歸捕不獲事 聞吏且重得罪乃益連
逮繫待問不決大吏輒委公剖晰疏理卒止別捕罪者

始公掌前巡撫國泰賤奏凡登萊泊步險不可碇河決
田故溢沒未復悉善爲章請蠲其征十七萬有奇後四
川用兵又間鋒鏑輒疏辯止某議增蜀鹽茶經數門關
緡算給軍無益而重煩擾者十餘事乾隆五十六年廓
爾喀侵奪衛藏從巡撫惠齡往征西藏川谷峻險寒凍
職多曠先事條畧供億不匱復昏夜參決馳襲破拉里
伏兵有績事平遷四川中江縣知縣嘉慶元年達州白
蓮教反總督威勒伯勒保視事凡再檄佐軍因勢決機
輒中乞疏貫降者死已而脅從畢至議盡扼要害困賊
屯聚持久殘敵擊殲無慮逐北滋竄越五歲卒由此平

其魁羅其清尤獍勇多詐久亡走險不能覺軍行會率游兵居後謀漢憑負謀疾間遁如初度約俟軍還俱比至已逸乃馳報軍還與戰而卽抄止賊後悉焚山左右林木斷其道奮擊險狹力攻賊卒不測兵至衆寡駭亂比暮夾擊反走立盡當是時公兵數百挫刺賊萬計又屢從戰采入數月頗益攻殺大羣且定公前有勞遷簡州知州是功

聞

賜孔雀翎久之將以先後累

功 奏擢知潼川府未上勒公被劾罷公等以諫止繼

者還走屯舍不悅亦引疾去由是議遂寢未幾復起知簡州居數月賊誘聚復衆且迫度伏咀隘可輒破者某

所並列圖其山林曲折形勢上幕府旋又言治扼糧道宜急益兵守距賊久必來犯庶先撓折絕其前所以謀議者甚備皆不報五年三月辛巳賊數萬越竟上公悉兵及所募土人三百餘出禦明日逆戰於土橋溝掩擊殺傷摧敗者再拒至夕卒以寡不勝被十創腸出仆頃之遂亡然是時賊方恃繞越軍後一夕渡嘉陵江間道闖成都甚急微公遽徼遏畱遲繼潰幾殆及後將易尋滅而蜀亦釋兵以治當賊驟至公不克衽服戰圍且急僕王誠間奪懷公頂帶謀脫公不可旋俱戰沒賊卒以是殊其首去始公從征西藏墮積雪中幾死賴誠久弗

去力持得出至是復從遇害時從公出者多力戰死而王誠死尤烈云公前後在軍皆以果毅見憚然用心尤仁恕有智軍越邊徼請悉署虐擾土司罪狀由是出入絕域萬餘里無犯者四川用兵鞠獲者爲賊所虜卽白釋令歸凡由平反活者無算始擊羅其清時游擊某堅止弗許語侵公後幾失賊愧伏公復盛言其功得不坐行畱劾死居官施設簡大多此類是斷獄不久繫煩碎素惡增加酷刑箠械至蜀卽上書大府請悉督禁絕而劾其故違者戒所歷輒焚其不如律者中江民有已殺人而誣其鄰某抵死罪公至立鉤治引服乃論殺誣者

而出某獄後凡屢檄治旁郡難獄皆辦蜀與秦楚久弗靖民亡益所在流冗吏不能食復疑間與賊通不納公慮民窮久或聚黨爲盜屢牒鄰邑撫綏至悉次舍擇少壯令運木石浚城塹食其直以給老稚而察繫其尤凶强者生事又令百姓郊外分築柵堡自固城中家出人守勿妄遷徙當賊方煽所至殘破或預惶惑自亂獨簡州完如平時後公喪歸老壯哭送者千餘越三百餘里始止皆曰微公惠吾屬久掠虜盡矣州人賢者復請祀公於化碧祠歷歲時不懈公爲人有內行論議亮直與人交夷險不易尤喜收獎才傑平居事親無幾微不至

居喪皆以哀毀見稱族戚故舊孤子女賴成立者甚衆始與國公善規其短甚力既敗復入京數往視間出贈大珠徑寸堅辭不受死後力爲經紀其喪仕宦所至戒闢者無畱賓雖後進疎遠困阨千里外苟賢矣卒乞以書無弗應持己廉潔不一問家計既終官舍無剩財以歛幼聰穎九歲賦詩雋美如成人比長學益奮於書無不讀羅絡穿并務得其統紀始止爲文工四六體詩尤雄淡瑰麗奇變不測以敏爲令時嘗朝治事暮與賓客飲酒談說往復千餘言立就辭與旨要盡周密刻淡一出於峻乾隆間袁大令枚負文章盛名絕重公詩公終

弗與通蓋性喜卓然獨立如此所著書詩集三十卷已刊文集八卷雜著六卷未刊藏於家公卒時年六十六娶夫人吳氏儷公之德仁孝彰著公歿盡出賻幣挈姻族歸江南子一先府君際盛國學生行修名立學博以文年二十九前公卒於京師女子五長適進士湖北知縣王進祖次適舉人柏維新次適林某次適縣學生鄭維錦次適縣學生錢世亨孫一嶽生孫女一適徐炳賢公死事上聞天子命祀昭忠祠祭葬卹廕如制六年十一月某日葬公嘉定西鄉彭門里時嶽生幼甚弗克狀旣長陞阨無聞知於人以故公葬無銘而神道

表與碣辭未具茲次舊聞爲狀公大節固不昧晦於後
惟懼言行文章才略功烈弗盡萬一文字淺薄又不足
以推揚餘緒昭徹無窮惟立言者哀其皇皇焉所以維
其放失之心爲論次終始而著其幽隱焉嘉慶二十三
年四月三日孫嶽生謹狀

祖母吳太夫人九十乞言事畧

太夫人姓吳氏嘉定人先外曾祖素重先大父簡州公
才故以太夫人歸焉太夫人性端恪慈孝簡素惠愛喜
施予聞人貧阨意常愀然樂道人美凡人過失畧不置
可否簡州公少以貧常遠遊數歲始一歸數以千金託

姻黨攜歸其人屢乾沒之詭以書報家益困窶太夫人
乃典所居屋并出簪珥質錢以供先曾祖曾祖母甘旨
自食麤糲幾人不能堪簡州公得書急馳歸省視太夫
人惟謝孝養有缺絕不言己勞勩事後簡州公官四川
中江令時其人復往依官舍太夫人殊不怨之但告簡
州公無任之而已簡州公官四川歲隨威勤伯勒保治
兵幕府太夫人恒致書曰教匪多脅從幸數平反家事
日撙節可給勿一爲慮嘉慶四年教匪犯簡州竟簡州
公出禦賊亡十餘日不得息耗或勸太夫人避兵成都
嶽生母夫人急白太夫人曰闔城十萬家視署中爲勤

靜賊爲大兵所迫必不敢久留若一搖足惶惑致亂民人靡爛決矣且一出城婦姑復安能保太夫人遽寢其議但令老僕負嶽生出尋賊退亦止簡州公旣殉節土橋溝太夫人聞耗日夜哀慟旣曰丈夫死王事職耳吾止一子已亡吾若死若爲致鬻櫬歸且奈嫠婦弱孫何時先府君沒已八年矣後得同寮賻幣二千餘金太夫人急謀東歸威勤伯勒公時復總督四川布政使楊公揆監茶道姚公令儀又夙與簡州公交厚以嶽生當得嫡孫 廕生少長可 奏留皆使人告無遽歸太夫人意不可曰吾久欲歸改葬舅姑且以歸爲名重受人惠

旣得復留何以自處令從祖婉辭止又有言宗姻相依者可少助令歸當可餘賻幣千餘金太夫人曰若輩素不習勞苦罄其資必道路流冗且吾孫若賢固無恃此不才亦何用是乃盡挈三十餘人歸嘉定家世儒素簡州公居官旣廉又重交游見義必爲俸入常不繼初居寶山旣以宅讓族人移居嘉定後又賣所居室以故貧無屋宇太夫人與嶽生母夫人出餘賻築數楹以處嶽生母夫人日夜紡績以贍飲食太夫人怡然甘之日督嶽生爲學甚勤嶽生性喜嬉遊太夫人數撻楚之常曰吾豈不知含飴弄孫是子性慧而佻吾少憐之其母教

不肅矣嶽生少長出游後復入閩恒越歲一歸母夫人見太夫人年老戒勿出太夫人屢言汝母亦老而多病豈能復作苦一家皆恃汝束脩以給近郡旣無可因依徒相守何益士人子當不患骹骹同俗汝性戇直簡忽易與人盡吾聞汝友彭子嘗箴汝爲親而屈汝遇事三思此言則不重遺吾憂矣太夫人少工詩間吟諷以樂志然戒勿示人曰此非女子所尙也暇日喜讀通鑑先府君少時五經諸書皆口授章句嶽生幼時太夫人屢爲述古大賢正己接物窮達之節小人傾險禍敗所由今出遊歸猶屢詢學業所至平居儉樸雖簡州公宦遊

時不置一鮮衣美膳祭祀務豐潔先期戒具雖衰老必親饋焉今年七月二日太夫人春秋九十嶽生謀稱觴上壽太夫人戒曰此固爾志然寒士家隨其分耳勿過繁費吾性畏熱其易期九月可嶽生迺遭闇昧弗克光耀爲歡謹具懿德大畧以冀賢者作爲文詞爲期頤慶云

先太宜人行畧

先太宜人嘉定朱氏諱蕙芳外曾祖桓乾隆間恩賜舉人外大父綿生縣學附生外大母與先大母吳太夫人爲同產外大母早卒大母素友愛又憐太宜人少失

母乃請婚於外大父年二十六歸我府君府君綜貫經術聲音訓詁辭章金石之學教授齊魯間時主講泰安府書院郡縣從學者衆且有自他郡至者講舍常滿太宜人益務綜凌雜不使豪髮得閒纂述踰年府君應順天鄉試卒於京師太宜人哀慟幾絕是歲乾隆五十六年也先是大父簡州公從四川總督惠齡往征西藏畱大母與諸姑居京師時大母病篤嶽生甫晬妹京生將乳大母疾少間泣責以撫孤用是少進飲食嘗曰一死易耳其如姑病息稚何且諸姑安歸西藏平簡州公以軍功知四川潼川府中江縣迺侍大母至官舍嘉慶元

年達州白蓮教反簡州公常檄至軍中治事間出奇畧誅殺大羣賊首以積勞卽軍中遷簡州知州後論機宜忤總督魁倫罷還州治魁倫果縱賊渡嘉陵江賊遂四出簡州公率鄉兵數百出禦於土橋溝戰歿自賊滋竄在所道阻凡二十餘日城中不得外消息時宗戚多勸大母攜卑幼避兵成都方猶豫未決太宜人亟進曰一城戶口皆視官廨爲動靜若一舉足必先滋奔竄死亡且婦姑出城安保弗失舅出時云迎會大兵賊本烏合未敢久攻不若堅守以定訛言不幸城破婦姑同盡已而賊他逸簡州公喪歸幾無遺貲可斂用謀至成都告

上官同僚集賻幣扶櫬還嘉定初簡州公自寶山遷出以貧賃屋居至是無所舍迺盡出賻幣鬻簪珥築室十餘間日夜紡績營甘旨束修嶽生以廕得雲騎尉太宜人憫其幼弱請改補文生員未冠卽命出游傭書資奉養每出輒戒曰若清白吏子孫毋織豪得不義財貽吾戚且重爲祖父恥也嶽生屢細鄉試見大母年考益高太宜人復多疾又久屯約弗克遽以祿養恐太宜人或拂惰意恆戚戚一日誨曰吾聞困亨命也若幼失父初令若讀書止冀少辨書數今能通諸經識義理足矣復奚憾然時尤貧窶屢困歸歸無三月糧復強出太宜人

益節省口食凡所以孝養大母者多具大母平居至忘久阨年至九十始歿嶽生時幾不得視含殮太宜人素有氣逆病不欲復出貧無以存活時游旁郡今歲夏客揚州聞疾作馳歸已間能食尋復臃脹逾月加劇遂棄養嶽生長子企之愚騃幼子樵元之皆聰慧善讀書元之尤韶敏知微指太宜人寵愛甚偶離側輒召先後俱殤益用悲盡雖久方歡笑追悼必泣嶽生嘗從容進說冀寬解輒歎曰若家世有聞人今豈已耶滋不悅寢致痼疾嗚呼太宜人節誼慈孝明肅峻慎宜得令子食報嶽生恚頑埋晦罔克章顯德厚奉事多闕且自襁褓至

今疾病道路憂患飢寒瀕死者數太宜人從艱險熒子中苟無可告訴積憂累禱懼其或天又慮不材殫心力以長以教乃以稚子摧折至損醇懿此實愆戾干罰重爲尊戚酷遭大故而憐然獨存其不孝可言說道耶嗚呼痛哉太宜人以道光十六年九月朔日終於正寢壽止七十有四先府君寶山毛氏諱際盛字清士國子監生嘉慶六年葬嘉定西彭門子一嶽生女一京生嫁徐炳賢孫一企之女孫三曾孫女一曾孫一小字端郎生少後不及見太宜人言行徽美可爲姻族矩法者甚衆卜日安耐用先次序大略乞傳誌孤子嶽生謹述

弓宜人傳

弓宜人山西介休縣諱某前任浙江黃巖總兵公女今兩淮南監掣同知何君道範之妻也總兵公雖以武功起家然所以教督子女者皆嚴肅有法宜人性故貞靜明淑幼漸禮訓動合儀則年十七歸何君何氏爲山西右族內外親甚夥宜人上事尊屬旁接等列敬順和惠用意厚薄揆情中節歷久靡忒何君以兩淮運判待缺揚州宜人奉君姑太宜人就養旣久不除家復中落宜人盡出衣服簪珥質錢以佐匱乏獨太宜人甘旨仍豐美不少異嘉慶初年西北教匪猶未滅何君嘗以軍餉

公使四川甘肅太宜人特念之甚宜人外伺息耗內安
尊幼言語動作歡戚有時比何君歸卒不遺太宜人毫
髮憂慮太宜人常兩病篤宜人日夜營奉至廢膏沐復
禱於天願節已算以益姑年太宜人病輒愈先是何君
嘗大病瀕危宜人事之凡五十餘日不寐而昕夕起居
太宜人率愉懌如平時使忘其子之疾生一子林候補
同知女子二長適雲南安分塲大使陳枚豫次適平遙
縣武舉人雷樹勳兩女旣皆歿宜人時傷慟不已又以
家事勞勩遂病困某年月日卒於儀真同知官舍年若
干臨歿無他語惟以不獲終事太宜人爲憾其誠孝有

非凡女子所能逮者夫女子處華膺之族容德勤謹類
無奇節異行之舉而人輒以庸行忽之然誠孝敬勿渝
其志門內雍肅有女士之風則所由增宗族之休而使
士大夫獲內助之益者豈鮮哉某辱交於何君旣悉宜
人之賢而又以何君之請序次懿行爲傳旣釋其悲并
昭徽美於永久使附其族系後云

龔士燕傳

龔士燕字武仕武進人生而穎異九歲補縣學生比長
通六經百家嘗從大倉陸世儀講論性道尤精算法推
步發明蔡氏律呂新書推衍黃鐘圍徑及開方句股弧

矢諸術元郭守敬授時厯術最邃密其推積年上下百年消長各一有明推步諸家誤爲一日士燕辨爲一分用推春秋日食三十七多合而授時推晦朔弦望用太陽盈縮度與大陰行度遲疾相加減有同名異名目又推赤道變黃道四正後赤道宿積度以赤道減之餘以黃道乘之如赤道率而一以加黃道積度爲二十八宿黃道積度厯家益不能明士燕以大陽之盈與大陰之遲大陰之疾與大陽之縮相加爲同名以太陽之盈與大陰之疾大陰之遲與大陽之縮相減爲異名乃得盈縮遲疾化爲加減時刻差以加減朔望大小餘分得定

朔弦望時刻其赤道變黃道二至後以度率除赤道積度二分後以度率乘黃道積度黃道宿度皆準又弧容直闊之法求大陰出入黃道內外不離六度往惟唐順之知此術士燕亦悟得之凡氣朔交食回回西洋諸術皆能通其理數疏密康熙三年欽天監監正楊光先奏言湯若望治厯疏舛仍用古法召天下知厯士士燕應召往而光先不爲達時光先爭復用大統厯監中諸官旣不知大統出於授時而大統法亦不用二十餘年多不能布算光先又盡棄西洋測驗諸儀器監中止以銅表測日景簡儀測七政及日出入是年春正月朔昏實測

金星在危一度五十分大統厯則在虛一度差十度夏四月立夏後一日實測日入戌初初刻大統則在酉正二刻又差二刻光先自知厯不合天亟欲修改而莫得其要領時有吳某者妄言回回厯合天光先信之屢欲請廢古法用回回厯監中諸人益疑懼不知所出爭詢之士燕士燕曰回回厯止有七政經緯度而無躔離宿度吳某能推算之是亦明厯者然其術言正月初旬日在牛宿宿長五度十二分十二月下旬日在牛則長六度四十二分月離晨昏度五星躔度或曰牛長六度二十一分或曰一十分同一宿也而長短任意又推之他

宿皆然其術謬妄不可用滿監正馬某欲舉劾之光先曲止而回回厯亦廢不行士燕先推大統氣朔七政一部及是又推回回授時七政諸法示之監中益推服

聖祖亦雅知之

詔日詣觀象臺測驗士燕

奮志欲修復古厯以授時有氣應轉應交應閏應合應諸法推冬至與日躔朔望交食置閏五星行分遂據六年所測表景推大陽盈縮又據日測五星行度加減氣閏轉交諸應皆密合創議甲申爲元應國朝撫有中夏之祥先是監中推交食多用江南日出入分數虧復時刻多先天後天如五年五月月食先天一刻後天幾餘六月日食先天幾二刻十一月月食又

二刻六年閏四月月食誤推日入生光分惟十月差與舊法相近士燕于是既改諸應復改遲疾限及求差法又改冬至黃道去極度日出分步中星諸法定盈縮遲疾無積度月食無時差推前五交食皆弗失書成監中名爲改應法將以所推七政奏行之會有薦西洋南懷仁利類思安文思三人於朝于是復用西洋法古厯遂廢八年補厯科博士員尋疾作免歸後監正馬某遷至江蘇巡撫士燕居其幕中凡劾貪墨恤寃滯嚴轉漕加派多士燕贊成之士燕內行誠篤與人交有終始所著書有律呂新書解厯言大略象緯考各一卷天體圖

虛中星交食定朔五星諸論六篇卒時年三十五

黃耀富家傳

黃君煥華字耀富又字雲軒廣東番禺人先世姓謝其高祖曰天相者始復姓黃順治初自江西贛縣遷番禺大石鄉尋徙城中遂著籍焉曾祖伯章祖國燦考振興皆有潛德振興生二子君爲次君性篤謹明敏喜施與臨事尤仁恕少孤志學甫冠出遊足跡幾半天下姊婿官河南知縣君容其所凡代治其公務疑難者多辦旣家居姻族中待舉火者輒數家遇喪葬嫁娶無力者又率爲經營之事兄友愛甚兄歿撫孤子女如己出與人

交有終始猝告以急無不應當其乏時或稱貸以助有以非禮加者率弗與校居恒祭祀雖遠出至期必歸終其身不易廣東舊有育嬰堂費絀幾廢好義者爭捐多貲君任其事凡嬰兒襁褓粉米乳媪衣食勤惰君悉察視周密嬰兒多賴以活嗚呼君之言行設施非有恢偉異常之舉而率循循於禮誼不愧爲長者足以矜式閭里則澤被其孫子可量哉道光十九年七月九日以疾卒春秋七十有六娶張氏生子五瑤階鴻階平階玉階泰階玉階道光十六年進士刑部陝西司主事君先入資得州判職以玉階貴封如其官又勲贈君祖徵仕郎

君考奉直大夫女子二孫男女九人

毛嶽生曰余友連平練君立人博學有治行不輕譽人而嘗爲余言其鄉人曾勉士溫伊初及主事學行明瞻端慤余固心重爲賢者往歲主事以憂南歸介立人乞余爲傳乃具知其先德之淳茂所以紹開主事者詩不云乎夙興夜寐無忝爾所生主事其益承先志哉

上林祭故郎中姚姬傳先生文

維嘉慶二十年歲次乙亥八月癸丑朔十七日己巳寶山毛嶽生謹以清酌庶羞之奠昭祭於桐城姚先生之靈嗚呼孔子道明由闢楊墨訓詁不坊程朱理塞匪訓

詰咎破碎是職藝與道分遂生蝨騰紹述勿衰士興宏
德既博而醇隱饜伎刻講學弊滋鬼瑣矜復今務溺心
行墮博識維公仁孝內外完夷既休既耀校書 彤墀
上相偶忤引疾而馳頗惜篇目未序其詞六藝奧衍測
若躔離由章句顯達義理微苟得其意道皆可施名物
器數毛髮弗治視漢儒碩不差累錙文章蕪敗俳優淫
哇厥後繁蹟紛若泥沙深造潤澤內明無瑕淵充輝美
道德之華雄偉或遜理則幽遐彼侈厖輩詆實狂且刻
鏤枝葉疏說蟲魚窮老誑譎其溢其虛道高文峻視皆
蠢愚而獨謙讓敬以爲郭誨人爲學毋倍先儒精麤弗

察是直販夫纏徽雖慎亦準櫟樗奇寶盈篋尙襲磁磻
昔甫握筆交訕里閭妄希返樸不責而孚詞謝瓌麗古
雅是譽惟歎國器公智則誣有友姚子往學於公聞公
愉懌吾道以東數誘椎鄙鑽礪是同流離瘴海精耗志
蒙益治律令弗崇術業銜嚮世需冀瞻飢乏思一二年
歸耕蓬華庶近善軌辨窮文質畧窺理奧并辭給奪是
譬知味氣形能別乃承函問久詹練日豈獨感傷南行
靡及學昭百世齡逾八十易簣而安其何涕泣所深悲
者輝曖斗衡慨彼風雨仰止如盲溪毛既潔潦水既清
雖奠之薄而心則誠蠻陬云遠其來伊馨嗚呼尙饗

道光三年四月朔日弟子寶山毛嶽生謹以清酌之資
介友人吳江陳君泰來昭祭於先生之靈曰嗚呼惟靈
俊邁豪逸亮直而通志峻辯博學由內充綜覽奧曲纖
翳不蒙發爲歌詩詭譎沉雄岷江出峽潏滅注東濤奔
雲立復激以風乃善言情比協興工江薙哀怨勞心有
忡姓氏學廢巧僞曷蹤精覈譜系脈縷必纓菲薄儒術
章句是攻權謀形勢技巧兵戎三十家言畢貫於中天
稟奇特宜爲世庸毀齒逮壯百瘁填躬骨肉乖離朋友
怒訥復得奇疾首集視膏名公旣識儒雅旣宗卒弗光

耀否塞以終往未舞勺學詩是從歎爲鉅才令聞必崇
馳驅離索弗聞鳴鐘乃棄夷坦登陟崆嶺是日倍師當
責其憎翻辱書譽困克加功閩南至楚山沓江重旣各
歸處趨弗暇恭孰意疫作室十九空命收斗極斫復於
冬時訛短折聞臘而恍間歲於越陳君忽逢生死則異
惡耗則同貧游資約回車益窮遠爲位哭垂淚交胸疾
弗馳問斂弗敬供念彼會喪古人何隆述纂未布嗣孤
未童苟獲顯達以光以豐是有鬼神食言則凶謹介陳

詞靈其無恫嗚呼尙饗

祭國學生彭君文

年月日同郡某謹以清酌之奠昭祭於亡友彭君甘亭之靈嗚呼漸滅潛聖猶歎君何遽罹天秉淳德顛躓爲宅復奪其期襲衣陳序斂者慚怛矧君素知君質端粹仁孝肫篤艾如童時門內雍肅弟忘失乳傅保加慈博學鉤貫文洞奧僻瑰麗以奇幽靈虎齒不假瑟奏蚪駟驂螭朱旗元甲隅矛鉤戟輝日軍馳俄而窈冥狂颺山號江妃悲啼吟諷情性淡負緜邈豈古人思內景不耀其氣必明風清則夷律修亢絕其音中徵如鐘不陂嗟孰不驕止節孤峻貧不可私言與行慤鄰童辟呬諄如其師隱箴昭美士苟相揖背面不欺聞友阨塞雖隔干

里內憎渴飢是宜壽考或頌禘祫薦佐笙詩乃至枯悴寢處塊獨浮屠道治郵表虛術耘鋤性始樂病呼醫謙謝賁徵貞亮則全醇白則遺余遊閩越衽席湍瀨瘴癘侵肌幸脫南返庭闈蓬藿日午不炊窮爲毀域剛修傲闢如水壑歸密交乖刺助彼猥薄巧肆詆媿君聞而歎書問疾苦云俟江廩出行見君是役淮海久不言離垢俗不遜適衆樹敵君曰非宜衰白兩世傭書待食依仁懲斯聞言開悟黜去悻直簡默而規歸適蠻徼慮下貌澤君顧而怡情游志溺宴佚是習携蒲是嬉君曰道藝勤猶失半况非德基樂子無玷子行舍諸我飲此卮君

病止酒嚴倍墨守乃舞儻儻德齊無闕行狎無憚莫知其非庶歸耕耦庶善道屢畢去其疵孰意歲易偶阻南昌遂承訃辭是月燁暑赤日入牖默坐不移今夙登堂衰絰在位而無孩提昔言燕飲就子東榭瞻益涕洟飯簞傾坼室奧草茁有竹冒池人不能處歲邁且軸卒無怨咨君通釋旨返真匪戚無成何虧往越嶺嶠獲友嗟晚淚溢旋滋百世有譽惟形不畱其又奚悲蘋藻喻潔余奠則薄嗚呼鑒茲

祭故建威將軍散秩大臣署護軍統領襲三等伯
孫公遂初文

維道光六年歲次柔兆閏茂四月壬子朔越二日寶山毛嶽生謹以清酌之資介公從弟元培昭祭於建威將軍散秩大臣署護軍統領襲三等伯遂初孫公之靈嗚呼爵祿富厚忽如飄風惟公茂德齡可位崇鬼神何酷遽乘以凶昔公祖考五等是隆威宣徼外身隕淩中心痲績鏖氓怛神恫公少而孤傳重紹封引拜受爵門藉以通懼貽親戚執玉虔共
祀精禋旂旃翕忽璧燎網緼有輝章服赤芾朱幘風凜日烈祇肅趨奔金吾暨攝日益貴親丞尉嚴翼聿掌微循爚爚其文泱泱其武行膺方嶽入繼台輔僉日丕揚

式承其祖乃受寵驚乃履盛憂燕居淡念畏疾滋媮入
告母氏辭祿歸休精誠澁日益穹格玦賜其求
遂返吳越守其松楸退處奉母志潔躬修曩公少歲侈
靡華廡第宅瑰麗列屋嫺都絲竹要眇水陸芳腴駢羅
殿沓醉樂歌飲通侯貴戚填溢其間賓客餽給或罄其
租逮居吳中聞若空廬益勤問道樂近通儒文章奧隲
涉其階除篆刻繪畫窮極毛銖墨法勁潔潤若瓊琚恐
奪士譽韜而弗居非其親厚弗與戲娛志意簡伉與俗
乖殊乃與友處冲抑而愉約束僮僕如客家奴視昔豪
縱朔南異趨惟贍姻族及故舊徒家雖匱乏諾慎其渝
材弗終顯學弗丕耀彊仁爲坊任義爲徽是景其幽宜
增其報旣阨以名復摧以暴鬼瑣壽昌嗟奚則倣往數
游從嘯歌靡忒懶慢相成都忘驚直或譏其傲公豈無
惑卒弗遐棄慨遠否塞醇白之衷世豈可得矧公峻節
實古瓌特我作南歸屢詣公室今去我行曾不旬日卒
以凶詞告於我側始交而密中阻而離或彘而出徒書
問遺忽忽閏再屢失公期凋喪已矣悲孰我知風雨喟
歎垂涕承頤公弟仁篤公子英賢緒業未竟是究是宣
死生晦明其何痛悵莫趨賓位清酌奠筵往以文侑靈
其來還嗚呼尙饗

其來祭黃潛夫文

維道光十七年三月五日壬午同邑葛其仁陳琢王用
中映江同郡毛嶽生謹以清酌庶羞致祭于亡友潛夫
之靈葛陳二君皆有文而嶽生別爲文以弔之映江敬
書以告其詞曰嗚呼材器之瑋經術之華倏共軀幹爛于泥沙賢聖不
免于子何嗟惟子幼事我如師壯事我如兄惟我言是
服惟我術是營我出則粟以養我母我病則瀆以藥我
躬聞譽我則喜覩毀我則怵自云旬日之不見若謫戍
而詬訕苟辯說之達旦輒間騎以疾攻嗚呼子之于學

橫豎穿博颺擊潮衝子之於文氣體淵喬樂奏神雍孝
友之性而粹篤之衷吾當誅子行義而銘子幽宮往樂
子無悶而憂子之臆慨憑衾之一慟後孰余惜與孰崇
如魂兮之來歸當益悲吾之窮旣閔凶以慚但矧親厚
之可從苟園象之延余矢竭誠兮覺于童蒙厯堂室與
軒楹况瑰瓌兮腰腹倚精爽兮夕夢庶勤兮省吾塊獨
嗚呼尙饗不問昔四五十年來立人來謝賦士謝
白飯練伯穎哀詞爲古文爾余其嬉慕之對余客其幕
練伯穎名恕廣東連平州人前明子寧中丞後裔余友
立人之長子也初姚石甫兵備官元和縣時余客其幕

立人官宜興自其治來介石甫交余間過飲酒甚歡余見立人論識文學明敏博達又聞賢子伯穎年甫十三已通諸經三史能爲古文詞余甚敬慕之後余客授江淮間忽忽不聞者四五年去年秋立人來權知上海縣上海去余家不百里立人欲令伯穎從游將書問余而伯穎疾作比余至則伯穎已暴亡七十餘日矣觀其所撰後漢西秦後周百官公卿表雜文諸書詞義率恢亮有法度居恒論議理實壹出閔遠性尤孝友卽賓客姻族僮奴輩多言其篤謹愛人嗚呼孰生之而孰材之又孰摧挫之古多悲憤是者余往有二子樛與元之皆殊

聰慧善讀書不幸遽殤數年輒感悼用知立人日憮怛無已益歎伯穎器識爲可惜也立人鄉人長樂溫伊初余友宜興吳仲倫皆爲作傳迺別爲文以哀之其詞曰材瑰異兮智精銳行篤厚兮明淳攻簡素之奧隲兮甫髮髦兮紛綸騏驎行於中達兮胡傾覆以摧輪信嵬瑣之獲壽兮夫又奚慨乎茵椿迢遞兮吳奧一棺兮海濱山龍從兮瀧奔歎瘴霧兮峯壑夜窈冥兮夔魑魂欲歸兮路惡悄回風而來思颺檐帷以膏薄慨嫫媧之在腹兮未襁褓而已孤憮大母之白髮兮偕尊親兮歎吁欲報德兮形闕徒魂夢之交瘡志玉潔而氣銑明兮庶乘

風兮遊彼太虛攬遺書以恢耀洵不朽兮奚悲觸予衷
兮怫惛神慄怛而淚滋

寶應劉烈女哀詞

烈女寶應劉氏幼字同邑應銓父曰準旣失母而準將
遊山東乃以女歸應氏育之比長將成婚銓病亟女潛
剗臂肉和藥以進卒不起爲服喪三年銓父母雅重女孝
謹而不忍其終無偶陰以書告準議再適女聞中夜起
密縫紵裙裾溺死銓父母哀其志與銓合葬于湖西衡
陽鎮時嘉慶十五年也邑賢士柏陽葵與同志告有司
得請旌如制復爲配祀于戚烈婦祠嗚呼世之女子

以死殉夫其事如烈女者多矣然自古忠臣義士不幸
遭值危險變故雖極艱困百出而志節不渝誠巨細隱
顯不同至于死則一也夫死則無以異矣則烈女何不
古奇節若哉余友楚楨寶楠烈女族兄也乞余表其事
余用以詞哀之曰夫疾可起兮妾月可食夫骨可寒兮
妾志不忒艱貞激烈古如此吁嗟復睹今女子

江陰暨陽書院易祀奎星刻像頌

昔周瞽宗祀聖師時準人極罔敢辟違宋配象緯侑
饗增儀因緣司中爲文昌治瞻匡及魁標鬣翼觀詭形
肖文訛踵彌竄魁維杓對揚紀旦建橫剖帝車于義奚

貫西宮首奎金仁內明溝瀆地理坤文所經紕體孳字蒼
頡式刑天水之興五緯畱聚輝光萃英奚止魯衛峩峩
文忠興于西嶠參井保精廓宇遊神方士見帝語雖誕
謾羣心瞻思實灼辰漢況公易簣延陵之郡靈實畱只
靡有壘竟郡中李先生字曰申耆問學浩博瀆雨霏風
器閱履粹獵德八紘來教多士義程是充慨嘆蒙室易
祀以公昔繆文貞倚憇隕躬其植楊木貞理黃中彫鏤
雲物旄旌導從肅然神止式馮奚恫茲邑訓導江都劉
君銘字箴三生員朱九鎔字守簡往歲七月丕贊其事
寶山毛嶽生字生甫徂暑來游憺慕公德樂祀無頗侍

簞蕭之旣炳倡洽簫而獻歌頌曰

淫祀悖義古賢所懲矧麗堂隍睢盱殘殍魁枕參首四
時以繩惟奎緯精偉哲所丞百族惶惑莫知墜升繫君
亮愨黜譎甄滕勇爲道鄂智弗波漑尺寸不僣邱嶽可
折又得文木蹇忠斯植剗列椳欂磴磴卽卽揆光肇牖
行耀四國文明以容秀士知極吁嗟醇懿神所鑒視士
其敬修循道以軌

其楊節愨公象讚

淮南鹽運使署中向有祠祀董子後使者於祠前建景
賢樓五楹樓舊有畫象蓋前明權鹽運使臨海楊節愨

公象也使者不考率傳訛爲董子前使錢公寶甫今使張公青選先後皆官斯職疑其衣冠不類漢制度始檢得其實運使署外復有董子祠祠中道士張來霄尋得公遺象與所記者無毫髮殊議於祠後別築屋祀公事既有待因先裝背其象爲卷以示邦人士公諱時熙字知白明萬厯舉人由遂安教諭遷瓊州同知後轉兩淮運同當是時史忠正公以閣部督師揚州悉公才檄權運使遂殉國難公有子名廷棟有俊才城破亦死公於史附忠正傳而臨海縣志紀公事蹟尤具嶽生嘗遊揚州獲禮公象見卷中多有爲詩歌道其事者乃畧次序

始末而別爲之讚曰

昔明再傳忠有正學南都得公身殉家續嗟嗟海邦生兩君子殺身成仁與明終始肅毅其容峻偉其節與史公賢百世有烈

西河竹垞二先生像贊

經術淹通文章瑰美吳越方聞詞科碩士秀眉以哲高顴而頰如其論著溫雅縱橫角巾偕行歸田之樂爲樵李之郊抑吳山之麓

劉楚楨小像讚

道光十七年八月寶應劉楚楨屬江陰吳冠英儁寫此

象友人寶山毛嶽生爲之讚

志慤言質學邃氣充匪祿而晦實狷以通吾測其養窮
達容容

錢子樂像讚

嘉定錢少詹事辛楣先生問學閎深達於天人爲海內
碩儒先生之弟可廬徵士三子長旣勤東垣次子樂繹
季同人侗俱有文行余皆識之而與子樂尤習子樂以
開敏之材智承家學之淵源究窮經術先後成十三經
漢學句讀孟子義疏又與弟同人疏揚子方言都二十
餘萬言義沈而體大識邃而說創又工篆隸真書當其

雅質往往不愧漢唐人性而易謙慎長者多言其似少
詹事徵士二先生先大父簡州公與二先生交厚先子
又學於少詹事子樂固余丈人行年齒又長而素重余
自少至今講說日親遂成故舊余屢遠遊以性寡合知
友不過數人居居則惟子樂敦夫子仁子劭子仁兄損
之丈賢子潛夫而已子仁家西谿上與子樂諸賢居近
余居城中少遠遠遊歸輒主子仁家子仁昆仲父子喜
賓客談讌諸賢亦樂就余益往復論辨理道文學務窮
極奧蹟浩博或不合率固爭執不下氣至理得則又互
規美矜異酒酣則間縱談神仙鬼怪或徵引故老瑣事

里諺相戲謔爲樂竊謂古之直諒多聞與魏晉賢者聚處莫過焉旣而損之丈子劭潛夫先後亡敦夫爲教諭官潁川之太和里居惟余與子仁子樂三人雖間尋舊樂而豪縱之氣多不如前甚至默然相對移時別去不特死生存亡之痛有慨於中而三人亦衰病畏劇談狂飲頽然老矣嘉慶十八年余與子樂同應鄉試子樂屬爲其農夫像讚已諾之忽忽二十七八年子樂屢以爲言道光二十年六月望後余自蘇州歸重見於子仁家復固乞之夫子樂文學著述之精瞻余誠不逮至於困躡伏處蒙時俗訕笑爲兒曹所侮二人無異焉然則讚

子樂者莫余宜也詞曰
學通古訓藝高儒雅謙謝方聞退甘樵野形頎而眉厖目眈而言訥儒也農歟迷郵之榻

跋天漢瓦硯銘

昔阿文成得漢未央宮瓦略規琢爲研自征金川歸以貽紀河間文達後文達以貽其門人汀州伊墨卿太守嘉慶二十一年余客福州桐城汪奐之復舉以贈余奐之得於吳清夫清夫得於太守蓋已歷五十餘年矣奐之云硯周文達銘爲太守隸然殊不類其書豈其少時所作抑有觀真研而模爲是者研裂爲二合以膠漆奐

之故不甚貴重余凡用物取具而已且從余久姚子壽
嘗為之銘道光五年五月二日與之自桐城書來賦是
研因復序其始末而繫以辭曰蓋予與正十餘年矣
泥其質而膠是合贗或非而真可必庶勤述兮以躋前
哲喻如石以不復泐豈以銀其門人官限時墨味太安
昔何李申耆先生刻像視銘賦雅欲稱自益金川龍以
通天人以為學充仁義以為防無體無方容虛粹而質
堅剛

又杖銘

以扶老以翼德儒碩日強跬步之式

長半於身取便於手行異而順以輔黃耆

練立人帖架閣銘

有機事無機心心正筆正藝成德成迺益完其性乃益
藹厥名

又臂閣銘

如軾承臂如蓋覆筆墨瀋不汚用昭其潔

又黃楊木根石印匣銘

因蟠錯而得方戒厖雜而尙中我材奚良我名奚崇庶
韜其光而德與之充黃中豈堅質香且左
質如玉而中堅色如金而內明庶以行吾素庶以藏吾

名收玉而中望可收金而內服熱以言吾素熱以蘇吾
維石之堅維木之直黃中通理賢者是式

因融諭而持式如乳盤而向中矣林矣見矣矣崇矣

又黃器木

收陣承管收蓋

天骨閣發

請效

自難舉無難

蘇立人神樂閣



休復居文集卷六終



程

書